



# ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆ

ՀՐԱՄԱՆ

№ 88/1-Պ « 08 05 2024թ.

## 2024/2025 ՈՒՍՈՒՄՆԱԿԱՆ ՏԱՐՈՒՄ ՄԱԳԻՍՏՐԱՏՈՒՐԱՅԻ ԸՆԴՈՒՆԵԼՈՒԹՅԱՆ ԿԱԶՄԱԿԵՐՊՄԱՆ ԺԱՄԱՆԱԿԱՑՈՒՅՑԸ ՄԱՀՄԱՆԵԼՈՒ ՄԱՍԻՆ

Հիմք ընդունելով «Երևանի պետական համալսարանի մագիստրատուրայի (առկա և հեռակա ուսուցման ձևերով) ընդունելության կարգի» 10-րդ կետը և ղեկավարվելով «Երևանի պետական համալսարան» հիմնադրամի կանոնադրության 57-րդ կետի 10-րդ ենթակետով՝

հրամայում եմ՝

1. 2024/2025 ուսումնական տարվա առկա ուսուցման ձևով մագիստրատուրայի ընդունելությունը կազմակերպել համաձայն հետևյալ ժամանակացույցի.

**1) Առաջին փուլ.**

ա. փաստաթղթերն ընդունել 2024թ. հունիսի 1-ից հունիսի 28-ը՝ մինչև ժամը 18:00,

բ. ընդունելության քննություններն անցկացնել 2024թ. հուլիսի 2-ին,

գ. անվճար և վճարովի ուսուցման տեղերի համար մրցույթի արդյունքներն ամփոփել 2024թ. հուլիսի 4-ին,

դ. վճարովի համակարգ ընդունված դիմորդների ուսման վճարի (2024/2025 ուսումնական տարվա յուրաքանչյուր կրթական ծրագրի համար նախատեսված 1-ին կիսամյակի ուսման վճարի առնվազն 25%-ը) վճարման վերջնաժամկետ սահմանել 2024թ. հուլիսի 18-ը:

**2) Երկրորդ փուլ.**

ա. փաստաթղթերն ընդունել 2024թ. հուլիսի 8-ից օգոստոսի 16-ը՝ մինչև 18:00,

բ. ընդունելության քննություններն անցկացնել 2024թ. օգոստոսի 22-ին և 23-ին,

գ. վճարովի համակարգ ընդունված դիմորդների ուսման վճարի (2024/2025 ուսումնական տարվա յուրաքանչյուր կրթական ծրագրի համար նախատեսված 1-ին կիսամյակի ուսվարձի առնվազն 25%-ը) վճարման վերջնաժամկետ սահմանել 2024թ. օգոստոսի 30-ը:

2. 2024/2025 ուսումնական տարվա հեռակա ուսուցման ձևով մագիստրատուրայի ընդունելությունը կազմակերպել համաձայն հետևյալ ժամանակացույցի.


ա. փաստաթղթերն ընդունել 2024թ. սեպտեմբերի 2-ից հոկտեմբերի 7-ը՝ մինչև ժամը 18:00,

բ. ընդունելության քննություններն անցկացնել 2024թ. հոկտեմբերի 10-ին և 11-ին,

գ. վճարովի համակարգ ընդունված դիմորդների ուսման վճարի (2024/2025 ուսումնական տարվա յուրաքանչյուր կրթական ծրագրի համար նախատեսված 1-ին կիսամյակի ուսման վճարի առնվազն 25%-ը) վճարման վերջնաժամկետ սահմանել 2024թ. հոկտեմբերի 25-ը:

3. Սույն հրամանի մասին սահմանված կարգով տեղեկացնել ԵՊՀ ֆակուլտետներին/կենտրոններին/ինստիտուտներին:

Ռեկտոր՝



Հ. Հովհաննիսյան